

von verkünden vnd die ij dn. von jartzit, die sind ab dem Brüt-
schen gesetz; / vnd sind gesetz ab hus vnd hoffraite, da Bern-
hart Marxer vffsitz, stost vornan an die / straus, obnan an mins
heren von Brandys güt, hindan an der Nollen güt.

4 F II N

5 G Nonas *Osuuldi*¹ *regis.*

6 A VIII¹ Id' *Sixti pape, Felicissimi et Agapiti.*

[. . . .] Fetzer. 6 s.; S. Martino j s., plebano 8 d. et 3 s.

(1) Item Rûdin Kremel vnd Els Grawin vxor eius vnd iro
kind âlly, die hond gelon an ir iartzitt durch iro sell / hail willen
vj s. dn. ab der hoffstatt, da er vff gesessen ist, stosett ze der ainen
sitten an die lantstraus / ze der andren sitten an die Haingassen,
die man nempt Fals, anderswa an Hannen bûntten; vss vnd ab
/ dem infang allem da sol werden sant Martin j s. dn., vnd viij
dn. aim kirchherren, der ir baider sol an / der kanzel geden-
ken, vnd aim môsner / iiij dn., der die priester ze grab wisy mit
/ dem wichroch; vnd iiij s. dn. gehôrrent dem kirchherren, der
sol zwo messan haben mit dingt, daz die priester / die ainen mess
sond sigen² von den selan, vnd vor den messan sond sy sigen²
ain vigily vnd nauch den messan / mit dem placebo vber irry
grab gon, vnd sol ain kircher³ dem priester, der im hilfft, geben
den / imbis vnd j s. dn. Vnd welis iars die messan vnd die wigily
vnd daz ir nit gedacht wird an der / kanzel vnd der môsner nit
vber die greber visti, so ist daz gelt des selben iars verfallen
sant Martin / vnd sol man daz iartzit begon am nächsten⁴ mentag
vor sant Laurenzen tag. (15) †

7 B VII Id' *Afre martyris.*

8 C VI Id' *Ciriaci et sociorum eius.*

1 s. plebano

(1) Item Cûncz Marxar haut geordniat ain ewig iartzitt, da sol
/ ain ieglicher lûtpriester ewenklich vff dissen tag ain selmess /
sprechen, darvmb haut er geordniat j s. dn. vss dem aker ze

1 sic! — 2 statt singen. — 3 statt kirchherr. — 4 hievor durchstrichen
nochmals naest.